

D.



59773



Mag. St. Dr.


P

et Martyr.

Joannis Victoria sapientia,

D. Catharina Virgo et Martyr

Teol. 5072.



V I C T R I X
S A P I E N T I A,
D. CATHARINA
V I R G O E T M A R T Y R,

Literarum ac Literatorum
P A T R O N A S I N G V L A R I S.



Solenni Die sua Anniuersaria,
In Basilica PP. Eremitarum
Ordinis D. Augustini:

C A S I M I R I Æ

A D

C R A C O V I A M

Stylo Panegyrico

R E P R Æ S E N T A T A

Per

P A V L V M I O A N N E M D E O B O R Y O B O R S K I,

Subdapiferid. Bielscens. in Alma ACADEMIA Cracouiensi
Philosophiæ Auditorem.

ANNO INCARNATÆ SAPIENTIÆ M. DC. LXX.

VII. Kalendas Decembris.

C R A C O V I Æ,

Apud Stanislaum Piotrkowczyk, S. R. M. Typogr.

Laudes SS.
Catharinae
& May. de P.



Candida dum gestas pro Stemmata LILIA Præsul,
Candorem mentis, Te retinere probas.

ANDREAS OBORSKI, Subdapifer:
Bielſcen: Studiosus Poëtices.

59773-

Apud Stanislaum Piotrkowczyk, S. R. M. Typogr.



Illustrissimo ac Reuerendissimo

D O M I N O,

D. NICOLA O
O B O R S K I,

Dei & Apostolicæ Sedis Gratiâ, Episcopo
Laodicensi, Suffraganeo, Scholastico, Vi-
cario in Spiritualibus & Officiali Ge-
nerali Cracouiensi, &c. &c.

PATRONO ET MECOENATI MEO
A M P L I S S I M O.



*Vertricem Sapientiam, ex Augustiniana Eremita, in
Tuum Gentilitium duco supplex LILIETVM,
Præsul Illustrissime. Ambit & illa Tuum LI-
LIVM, dum iam in celesti Capitolio palmaribus
decorata lauris, ut niueus quoque Candor eius Vir-
gineus, non ipsa solum heroica fortitudo, Candido
Tuo FLORE coronetur, qui etsi per D. Patrum Tuum proba
ac miraculosa vitæ floridum è terris transplantatum, calo quoque suam
inuexit Coloniam, adhuc tamen feruentius, in Te ipso poscitur ad ca-
lestes Coronas, in quarum vocari venireque ornamentum, rarum &
singulare inter mortales decus an donum; quandoquidem Diuinum
quidpiam præferre debet, quod ad nitorem & consortium Diuorum
inquiritur diligentius, admittitur libentius. Nec sanè fertilior alibi,
uberiorque non humanarum materies Coronarum prouenit, quam ad
Tuum*

Tuum Natale NICOLAI NOMEN, cui victoria ac trophaea
 inesse videntur. Toties enim victorioso Nomini Tuo (quod in Te
 nusquam otiosi assuevit) paria affers opera, vincendo ac triumphan-
 do: quoties admiranda Tua in Superos pietate, in vniuersos ad Te
 accedentes comitate, in recedentes beneficentiâ, in administrandis Di-
 uinis non vulgari promptitudine, in rebus praeclare gestis vix auditâ,
 hac saeculi tempestate, modestiâ, modicoq; de Te sensu cunctorum animos
 & ingenia, mentes & conscientias efficaciter Tibi deuincis atq; suauiter
 obligas; hinc est ut omnes Te velut Titum Orbis deliciû in oculis ferant,
 velut optimû Traianû suspiciant, velut pium Numam colant & sum-
 ma maximis Tuis Virtutibus fastigia voueant; quanquam iam pane ad
 Superos Tuis in Orthodoxam Ecclesiam meritis prouectus sis, Tuâq;
 exemplari vita non aliâ quàm Apostolicâ tanto laudabiliore, quanto
 rariore reliquis per honorum ambitiones euntibus, Orbe iam senescente.
 Et quamuis nihil sit tam praeclarum, tam magnum, tam exaggeratum,
 quod in Tuas augustas Panegyres doctrina & virtus non inuexit: illud
 nihilominus maximè in Te, omni aeo celebrandum, illud ad astra, ad
 eruditi Orbis notitiam, & ad posteram memoriam gratamq; omnium
 literatorum commemorationem deferendum, quod incôfesto ac infenso
 bonis artibus lustro, Meccenatis vel Apollinis, non Mida aut Licini nomen
 & personam sustineas. Verùm cum in ceteros Tuam meritorum
 multitudinem percenseo, in me quoq; & Musas meas, Tuorum magni-
 tudinem beneficiorum silens nullatenus prateribo, quae tanta sunt, & su-
 pra disertissimorum linguas calamosq; constituta, ut vix ea, vix fortu-
 nam meam capiam: quòd namq; eruditum spiritum in Parnasso Iagel-
 lonico hauriam, quòd docta Palladis consortio admotus sim, quòd er-
 rores ad magna natis perniciosos, ignorantiam & barbariem fugiam,
 Tibi Illustrissime Antistes debeo; proindeq; beneficû LILIVM Tuum,
 publico hoc donario incipio venerari, ampliusq; enitar, ut haec Tua
 decora aeternum in gratis pectoribus florent, & fidâ Literarum memo-
 riâ styloq; fauenti perenniter custodiantur, Victrice Sapientia, Tuo sub
 LILIO securè triumphante.

Illustrissima Celsitudo, Deuotissimus Cliens,

Nepos ex FRATRE,

PAVLVS IOANNES de Obory OBORSKI

PANEGYRICVS.



Diuinæ Regia Sapientiæ, Septem
columnis alta sublimibus, profundam di-
dicit ab innumerabili sæculorum multi-
tudine seruare taciturnitatem, colere
tranquillitatem A. D. Bellicum illa à
portis suis excluserat apparatus recepto
intus silentio: fortes heroas magnanimosque Duces, &
ad bellum natam enutritamque gentem ad suum non ad-
miserat præsidium, imbelli ancillarum tutamine con-
tenta: ac si nunquam aut liuidæ maleuolentiæ spiculis,
aut proteruæ ignorantia telis foret impetenda: cum ta-
men innumeri, ex longo aduersum Sapientiam depu-
gnent hostes, rudi inscitia signa ferente. Porro diu in
terris taciturna & imbellis audiebat cælestis Sapiencia,
amicus namque silentij DEVS semel in tota æternitate
locutus; Vno in Verbo fecundus, omnem suam inclusit
facundiam & potentiam; diu imperentia Superum ho-
norem & inaccessam Numinis maiestatem obiecta, to-
lerabili soluebat silentio, donec Æterni Patris, Verbum
Incarnatum humana in carne inter nos audire cæperit.
Hinc tandem crescente audacia, grandem ex Orthodo-
xis collegit ac delegit exercitum, graueque toti mundo
in sua scientia desipienti indixit bellum; non Viros mo-
dò ad certamen conscribendo, sed per Virgines quoque
viriliter contra hostes agendo, Victricesque Palmas in-
trepidâ dexterâ metendo, triumphales coronas impa-
uido animo nectendo, adeò laudabili artificio, inaudita
virtute, vt nouas in castris Diuinæ Sapientiæ Amazo-
nas exoriri, hostilis ferocitas stuperet; ac stupens vel in-

A.

uita

uita deprædicaret : quarum plurimæ pro DEO bella-
bant strenuè, vincebant egregiè, triumphabant glorio-
sè; DIVA tamen CATHARINA primas in hac
acie tenet, æque proteruâ ignorantia, ac malè sanâ do-
ctrinâ instructas phalanges, in tantum fortiter ac sapien-
ter prosternens, vt Victricis Sapientiæ titulum non per
ementitum fauorem, sed per certamen prudentissimum
sit promerita ; Vnde nec mihi aliud consilium est, quàm
communem hanc honestissimarum artium Patronam,
in doctissima Auditorum corona, eodem titulo deco-
rare ; Vos tantummodò A. D. Sacrum Martem ac tri-
umphum Diuæ Virginis locuturo, pacificos in atten-
dendo animos, quietas in auscultando aures. tanquam
præsentissimas date precor suppetias.

Magnas ipsi tantum æternitati pares victorias, par-
uis impensis & exiguo belli neruo feliciter constituisse,
rarò inter exempla accepimus: amat utique & ferox
Gradivus, inter opulentos simul & fortes versari heroas,
& crebrius multò munificas, quàm tenaces palmis im-
plet dexteris, aruorum naturam secutus, in quorum con-
suetudine positum est, vberius tum fruges proferre, cum
largius secundo imbri perfunduntur. Equidem ijs in
castris copiarum multitudo facilis, victoriæ certitudo
infallibilis habetur videturue, & ipso plerumque fortu-
nato euentu comprobatur, in quibus commeatûs co-
pia, rerum, virorum & virium abundantia dominatur;
expugnabiles sanè inermesque animi sunt, quos nulla
præmia Ducis, nulla Principis liberalitas obarmavit,
nullus aut tenuis auri fulgor ad furentem pugnam, ad
sui obliuionem mortisque contemptum accendit inflam-
mauitue; graues enim sentit eas hostis dexteris, quæ
non leue ab auro accepere pondus: promptius quippe
bellantium salus & vita dispendio datur, vbi bene refer-
ta prom-

ta promptuaria, non grauatim, nec oscitanter pugnaturis ingerunt ante pugnam promptitudinem. Terrarum quas Oceanus alluit, regnorum & regionum quæ Pontum & Hellespontum, Euxinum, Rubrum & Mediterraneum bibunt mare, possessorem ac hæredem. Magnum Macedonem, non ne bellicarum magnitudo impensarum fecit? magnitudinem rerum quas gessit, Cariam, Lydiam, Illirykos, Triballos, Iones ac vniuersas mundi plagas horribili nomine peragrando, non ne optimus belli apparatus comparauit? Is & Xerxi ad imponendas Hellesponto compedes, Cyro ad dissecandum in trecentos & sexaginta alueos, in fontem fluuium Gyndem, vires animumque indidit, & non modò ad audenda sed patranda quæq; Imperatores ac Reges quosuis excitauit, permouit & induxit. Neq; victrici Sapien- tiæ Diuæ Catharinæ, aliquis omnino quem bellum poscit defuit commeatus, è cælesti porrò armamentario & regno, armis & auxiliariis copijs contra Orthodoxæ Fidei barbarum Hostem, prouidè armata, luculenter aucta, affatim cumulata, prodijt animosa in aciem certatura, victura, triumphatura. Posuerat illa prima in fronte inexpugnabiles vnquam Diuinissimi Pneumatis donorum phalanges: dextrum latus validissimæ copię speci in Diuina potentia reconditæ, læuum ignitæ amoris Dei legiones tenuere. amplæ præterea reliquarum virtutum Christianarum cohortes, ante & retro stationem & excubias, Argo centoculo vigilantiores agendo, vt firmissimum Pientissimæ Virgini fecere præsidium, ita gloriosissimum attulere triumphum, prostrato attritoq; trucis tyranni furore. Bellicum vidistis apparatus Sapiientissimæ Virginis, pugnam proinde mirabilem spectatote, quam nec Thrasimenus lacus aut Cannæ insigni Romanorum clade momorandæ, spectauerunt aliquando. Ve-

nerat solennis gentiliū superstitioni dies, quo Sacra, minimè sacra ritusq; publici Alexandriae, edicto Principis celebrabantur; confluebant in proximā urbē ex vicinis mapalibus atque vicis, qui vel placere nefando obsequio Imperatori studebant, vel deceptoria suscipiebant vota ad falsa Numina. Stabant ad aras vatū flaminūq; chori, grandes hostias & cætera victimarum genera Dijs Deabusq; litaturi; eminens adorabatur Idolum, cui priuati publiciq; honores haberi consueuerant, ad idque signum quod illicitè ad aram colebatur Sacrificuli concipiebant solennes Sacrificio preces, molâq; deuotâ conspergentes animalia, superstizioso ictu in eorum frontem clauam inclinabant; augebat Festum sæua Maximini præsentia, multiplici aulicorum militumue ordine circumfusi: Implebant fanum orasq; vicinas populi clamores, quibus incolumitas Principi petebatur, addebant innoxios cæli haustus, nec fallentem agricolas humum; occultis verò precibus priuata familiæ commoda quisq; optabat ab ijs Numinibus, à quibus præter perniciem conferri nihil potuit precantibus. Tum ingressa mente impertèrita delubrum D. Virgo, illatam per idololatrias Deo Vero iniuriam aut vltura seridò, aut ablatura omnino, dirumpit virili impetu, heroicoq; animo circumstantes Imperatorē turmas, ac si alter Scæuola ipsū Porſenam, ipsum illa quoque Maximinum pio furore inuestigat, repertumq; ad Christianum prouocat certamen, aggreditur impauida crudelem tyrannum, ferit eū cominus feruida obiurgatione, abominandam & irreligiosam illius religionem culpatur, improbat, & damnatur, atque vltrices flammæ euocat cælitis, & omnes sacrilegos flamines libera voce persequitur. O zelum Virginis! O fortitudinem Virgineam vix inter viros reperibilem! Fateor Horatiū Coclitē in ponte Sublicio, totam hostilium

stiliū armorum vim, ex Hetruria contra Romanos
eductam, obiectu sui pectoris sustinuisse. Non inficior
Cynegirum Atheniensem in campo Marathonio vnum
millena Persarum agmina fugasse, & nauim cum aufugi-
entibus mordicū, vbi manus ab hostibus truncatæ essent
arripuisse, & iterum ad aciem, ad pugnam traxisse. At
viriles hi ausus, à viris patrati sunt, grandius miraculum
credo, quod mansuetissima Virgo, ferum & immanem
Maximinum, iuratum Christiani nominis hostem, pa-
lam spectantibus vniuersis, inter armatos inermis, inter
idololatra fidelis audentius obiurgauerit, sacrificia &
Deos quibus fiebant animosè deriserit. Stuper ipse quo-
que tyrannus tantā in imbelli sexu fortitudinē, & blan-
dē primum illecebris & pollicitis inuictum Virginis ten-
tat expugnare animum. At frustra; trochilus aquilam,
cynocephalus leonem neutiquā prosternebat. minis pro-
inde atrocibus furens idololatra mitissimam Virginem
oppugnat & terret, mille cruces, tormēta mille votis di-
ctisq; suis aduersanti spondet, parariq; iubet. Stat nihilo-
minus immobile saxum. Victrix Sapientia, minas vere-
tur minimè. Alteram diceres bellatricem Iudith, quæ
alterum Holofernē aggreditur impauida, pro Deo, pro
Religione Orthodoxa, pro sacris inter gentilium sacri-
ficulos æquè fortissimè ac prudentissimè agens. Sed pro
Superū hominumq; fidem! quæ mens tua est ô fortis-
sima Virginum! Videsne cum quo ad duellum fidenter
progressa fueris, contra quem acerbius inueheris! hic
ille est Christiani nominis euerfor, fideiū tyrannus, pu-
ræ Religionis excidium. Num te latet, quot innocuas
animas, diro genere mortis cælo transmisit? quot sacra
capita, fatali gladio peior Tarquinio demessuit? Num
aduertere nequis inexorabiles manus eius innocentissi-
mæ Martyrum sanguine maderè ac rubere? Desine ô

Virgo agere desine! fuge crudelem conspectum! fuge tormenta! Hectoribus Achilibusque tantum negotium committe, quod supra vires & supra sexum est extra voluntatem esto. Nihil his mouetur terreturque; DIVA Nostra. Ergo ferocia tyranni aduocat auxiliares Sophorum cateruas, & cornutorum phalangem syllogismorum aduersum castra Sapientiae expedit ac promouet, tanquam cum ignara sapienter pugnandi inscitia, bellum futurum fuisset; congređitur secundo animosa Virgo, retorquet promptissime valida ad speciem tela, in re telae araneae simillima, miscet confunditque; certantes Sophos, ac tandem victos Triumphatori Deo Homini ducit in praedam. O prodigium! qui hostes contra Victricem Sapientiam ab exedris produere, sapientes, ij captiuato intellectu fideles stipendiarij Deo & Ecclesiae ex campo regressi sunt, ac veluti Phoenices e flammis caelo & sibi renati ad novas laureas caelestes promoti exstiterunt. Aliunde idcirco & forsitan maiores Maximinus quaerit sollicitus copias & stratagemata, quibus certior de Victrice iam Sapientia vindicta & triumphus posset obtineri: nam tyrannicum est, tam diu a furore non desistere, donec infensos sibi morientes conspexerit: quanquam & mortuis insultare, ac in eorum cadauera sauire tyranni quoque solennes epulae sunt. Rotam ille vncis ferreis horridam Virgini imperterritae ad terrorem ostentat, nescius hanc esse maximam viatoribus feliciter peragendi itineris partem, ad supremam Patriam, quod non nisi per ardua, aspera, & horrida recte peruenitur: quanquam decuit Victricem Sapientiam multo praestantior triumphalis currus, ipso caelesti artificio fabricatus, impia carnificum non pollutus dexteram, currus nimirum is, in quo aeterna immortalis Dei gloria nitentium ad varietatem syderum, fulgidam frequentiam circumdata vehi per stellatas Regiones consuevit.

quo-

quocirca vnus è medio superni exercitus heros, ignito armatus fulmine totum illud nefarium & ad crudelitatem compositum opus, illico dirupit, confregit, disiecit, partibusq; disiectis multos è fœda tortorum colluie enecuit interemitue. Ita profecto artificium malum artificibus pessimum ac exitiosum esse debuerat! Ita miserandam Perilli sortem quam apud Phalaridem Agrigentinorum tyrannum subiuerat, renouari conducebat, qua de re Poeta

Et Phalaris tauro violentus membra Perilli

Torruit, infelix imbuunt author opus.

Accessere præterea magnanimæ Virgini in solamen subsidiumq; diuersi heroes, illamet suadente, vero Numini, fidei Sacramento obstricti atq; pro Christiana militantes Religione, stipendio Supremæ beatitudinis ditati, inter quos nobile duxit agmen ipsiusmet ferocietis Imperatoris Coniunx, cælestis verò Sponsi per fidem susceptam, pientissima Sponsa, celebrando martyrio desponsata, ac proprii sanguinis pretiosâ purpurâ decorata. Aderant insuper alia Victrici Sapientiæ opportuna præsidia, cum tota pœne Alexandria in eius partes abire videretur, à tua scelestâ maiestate scelerate Maximine turmatim discedendo, ne crudelitas tua seu tutamen seu velamen, ex circumstante thronum multitudine habuisset. Vnde perpende quàm vanus irritusq; sit furor tuus? en innocentia Virginali ipsa tua Metropolis & aula patrocinetur, cælo eidem opitulante. ignes, equuleos, rotas & quidquid immanis sæuitia adinuenit, colligis & paras? at Sacram Virginem hæc profana molimina omnino reuerentur, quæ inextincto Sponsi cælestis æstuans amore, plura, maiora grauioraq; prompta est perferre & pati. Virum hinc Alcida fortiozem, Hectore animosiozem, Camillo constantiozem, Vlysse prudentiozem, Virum, inquam in persona Virginis non imbellem Virginem,

cogita, cui plus alacritatis animique est ad tolerandum, diuersissimum licet tormentorum genus, quam tibi ferinae mentis fauique ingenij ad inueniendum. Verumtamen sisti non potest furor tyranni, nisi alieno imbuatur cruore, aliter exstingui nequit nisi perfuso sanguine innoxio. Imperat crudelis Maximinus Augustissimam Imperatoris Filiam dire per ignem, per ferrum torqueri lacerari ac tandem decolari, quasi resecto capite Victrix Sapientia, nullatenus de tyranno esset triumphatura. Fallitur dira tyrannis! praestantiùs apud Diuos Indigetes triumphat nemo, quam qui proprio capite in causa supremi Ecclesiae capitis priuatus currit ad brauiù, ad quod & DI VA Nostra ocyus properando castissimam ceruicem, ad ictum ensis alacriter protendit, vt vno eodemq; ictu immanissimus fidelium sector cum impudentissima idololatrarum cohorte concidat aeternum, vt sic per calcatum tyranni verticē, Victrix Sapientia ad altiorē conscendat triumphum, ad augustiorē euehatur applausum, cuius Capitolium praecelsus Sinaiticus mons ab Angelicis legionibus circumfessus, & plena praconij laudisq; interminatae Respubl: Superum, rari inter virgines triumphi, spectatrix peraugusta. Meruerat equidem D. Virgo tantos Spectatores, quae tam heroicum facinus in causa vindicandi Diuini honoris exercuerit, totam debellando Herebi potentiam, in attrito Imperatoris furore, & quod stupore dignius validum agmen obstinatae gentilium sapientiae prudenter vincendo, atque primos in falsa Philosophia magistros aeternae Sapientiae Dei Homini reddendo discipulos. Sunt & haec Tui triumphi ò Victrix Sapientia non modica encomia, quod Eremus quoque Augustiniana montis Sinaitici aemula, Romanae murus, & clypeus Ecclesiae, scientiarum quarumuis emporium, fons & firmamentum, eundem quotannis celebrando augeat, & augen-

augendo celebret, vt magna Tua in DEVM merita & laudes per Augustissimā Magni Aurelij propaginē, magnitudinem valoris honorisq; apud præsentē & posthumam mortalitatē, imò apud ipsos cæli hæredes recipiat abundē possideat firmius. Decet admodum Præsidentem studiorū ab eruditissimo Augustiniano Ordine coli laudariq; impensius, ne suos tantum fabulosa Pallas iactet in Parnasso & Helicone cultores. Decet Victricē Sapientiam inter laureata tum ob sublimem doctrinā, tum ob largē effusum in certamine fidei sanguinem, Augustiniana capita repetitos agere triumphos. Decet crebrius hīc altā voce ingeminari Io triumphē! Vincenti Virgini Sapientissimæ, vbi innumera Victorum ignorantia, atque infidelitatis agmina numerantur. Initium laudabilis huiusce numeri nobile illud Germaniæ decus sit Thomas de Argentina, vitā Apostolus, ore Tullius, ingenio Angelus, fulmen impudentissimi Wicleffi cōtra Iouem Romanum impudēter assurgentis. At Gregorius de Arimino Lucerna splendens appellatus, pari cum encomio eandem ingreditur seriem, par sanctimoniā Sanctis, eruditione doctis, acri iudicio solertibus. Neque Gerardus de Senis doctrinæ Ægidij Columnæ præstans fulcrum, copiosa, destituitur panegyri, cum etiam post obitum Lauream Doctoralem non cupressum, raro imò vix audito adeptus fuerit exemplo. Sed Michael quoq; Cardonet agrum Valentinum vbertate imbrium vt Nilus campos Ægypti ad vota ciuium prodigiosē perfundens, in admirationem suæ thaumaturgæ pietatis ac eruditionis rapit mentem animumq; meum, adeo vt exclamem; *O nimium dilecte Deo cui militat ather!* Dignus est & Andreas de Monte Regali inter tantos censeri Viros, cum copiosum de animis mortalium suo præclaro eloquio ac exemplo, cælo fecerit censum. Non ausim ad

ceteros deflectere in quibus referendis die longior esse:
nam quis ex Magni Aurelij Stirpe non Summus literis
vitæ ac ingenio? porro in peraugusta D. Augustini Ere-
mo, nulla planta absq̃, venustate & fructu esse potest. No-
scitur commodè ex claritudine filiorum eximius splen-
dor paternus. Verum ad te iterum Victrix Sapiencia in
agone sermonis mei regredior, ne delictum insipientium
moram, s. ambire videar. Venisti gressu fidenti ad imma-
nia castra Maximini; Vidisti iuratos in iniuriam Dei vi-
tamq̃; Tuam gentilium manipulos; Vicisti rebellem su-
peris gentem, ac tandem Victricem quâ nunc fulges ob-
tinuisti coronam, civicis, navalibus, obsidionalibus cari-
orem, nam æternam & omnem humanam artem super-
gressam; ancipitè quo barathri monstra terres, Tui verò
cultores tueris, hostibus animosa extorsisti gladium; ro-
tam in Tui perniciem exstructam, in Tuum decus & in-
signe fortitudinis conuertisti. Ergo coronata splendide,
armata firmiter, decora mirificè, in nostram felicitatem
coronatos, Serenissimum Michaellem, ac Serenissimam
Eleonoram, Regem ac Reginam Polonia, incorrupto
decore Tuo exornes, palmaribus armis circumsepias,
orbeq̃; adunco ad summâ Orbis Lechici fortunam euc-
has vtrumq̃; nec non aduersantes illis atteras mentes, re-
belles deprimas animos, atq̃; Iagelloniæ Palladi Tuis in-
nixæ auxilijs, auxiliares ne differas vnquam contra ma-
leuolorum rabiem ferre suppetias. Te profectò pro do-
mo sua fortiter bellante, malignantium insultus, machi-
nationes, ac impetus reprimet gloriosa, stabitq̃; immota
semper rotæ Tuæ stabili insistens perpetuò, Victrix Tuo
patrocinio per quoduis auum, de insidiantibus,
integritati suæ dolis, iugi triumpho,
Te triumphante potietur.

D. I. X. I.



esse:
teris
Ere-
. No-
plen-
tia in
enciū
ma-
ei vi-
n su-
s ob-
cari-
per-
verò
; ro-
& in-
dide,
atem
nam
upro
pias,
eue-
, re-
is in-
ma-
o do-
achi-
nota
Tuo
nielo
A 28
mūo
oimp

Biblioteka Jagiellońska



stdr0024769

47

